



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CLXIII. Ioannis Papae VIII. Ad Tres Archiepiscopos, Eorumque
Svffraganeos. Ne Biebertinum ante causae discussionem excommunicent.

urn:nbn:de:hbz:466:1-15967

IOANNIS PAPÆ VIII.
AD TRES ARCHIEPISCOPOS, EORVMQVE
SVFFRAGANEOS.

Ne Bicterinum ante causæ discussionem
excommunicent.

*Reuerentissimis & sanctissimis confratribus nostris, Aureliano, &
Otteramno, nec non & Theodorico, & vniuersis
coepiscopis vestris.*

OMNIVM vestrum sanctitati notum esse volumus, venisse Bicterinum deferentem imperatoris præceptum, & commutationis chartulam de rebus quas carius cum Amulo archiepiscopo dudum celebrauerunt. Insuper nostro apostolatu intimauit, vt eum sine ratione discussa excommunicare vultis. Quapropter apostolica auctoritate iubemus, vt nemo vestrum eum excommunicet, antequam ad legis examen proueniat. Scitote, quemadmodum in centesimo capitulo Africani Concilii legitur, similiter in secundo nouellarum Iustiniani libro, vt nemo episcopus aut presbyter aliquem excommunicet, antequam causa probetur. Qui excommunicatus maiorem sacerdotem adeat, & ille qui iniuste excommunicauit, ab ipso iuste patiat. Et nemo vestrum, aut quilibet laicorum, præfati res ante legis sanctionem inuadere audeat. Nam, quod non credimus, si quis contra hanc nostram apostolicam auctoritatem ire tentauerit, sciat se anathematis vinculo innodandum. Data vt supra.